



Broj: 10/E-11-4885/23
Sarajevo, ~~26 09 2023~~ . godine

Na osnovu člana 69. stav (2) tačka d) i člana 70. stav (1), (4) i (6) Zakona o javnim nabavkama BiH ("Službeni glasnik BiH", broj 39/14 i 59/22) (u daljem tekstu: Zakon), člana 69. Statuta Općine Centar Sarajevo – Prečišćeni tekst ("Službene novine Kantona Sarajevo", broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke: Građevinsko-zanatske i instalaterske usluge za investiciono održavanje poslovnih prostora Općine Centar Sarajevo (Zapisnik broj: 10/E-11-4885/23 od 18.9.2023. godine), Općinski načelnik donosi:

O D L U K U **o poništenju postupka javne nabavke**

I

Poništava se postupak javne nabavke: Građevinsko-zanatske i instalaterske usluge za investiciono održavanje poslovnih prostora Općine Centar Sarajevo, putem otvorenog postupka javne nabavke, iz razloga što nijedna od primljenih ponuda nije prihvatljiva.

II

Ova Odluka se dostavlja svim ponuđačima koji su učestvovali u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.

III

Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o Ź e n j e

Postupak javne nabavke: Građevinsko-zanatske i instalaterske usluge za investiciono održavanje poslovnih prostora Općine Centar Sarajevo, pokrenut je Odlukom o pokretanju postupka javne nabavke, putem otvorenog postupka, broj: 10/E-11-4885/23 od 19.8.2023. godine.

Postupak javne nabavke nije podijeljen na lotove.

Obavještenje o nabavci broj: 848-1-2-127-3-145/23 objavljeno je na Portalu javnih nabavki dana 1.8.2023. godine, a Sažetak obavještenja o nabavci objavljen je u „Službenom glasniku BiH“ broj 54/23 – Oglasnik javne nabavke.

Procijenjena vrijednost javne nabavke bez PDV-a iznosi 535.000,00 KM bez PDV-a.

U roku za predaju ponuda koji je određen tenderskom dokumentacijom (15.9.2023. godine do 14:00 sati), na adresu Ugovornog organa dostavljena je jedna (1) ponuda i to grupe ponuđača „EL-TE 3“ d.o.o. Sarajevo i „StrEng“ d.o.o. Sarajevo.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda, kako sljede:

r/b	Ponuđač	Ukupno (KM) bez PDV-a (zbir jediničnih cijena)	Popust	Ukupno (KM) sa popustom i PDV-om (zbir jediničnih cijena)	Rok plaćanja
1.	Grupa ponuđača „EL-TE 3“ d.o.o. Sarajevo „StrEng“ d.o.o. Sarajevo	117.075,50	/	136.978,33	30 dana

Nakon izvršenog javnog otvaranja ponuda, na zatvorenom sastanku, Komisija I je konstatovala da je ponuda grupe ponuđača „EL-TE 3“ d.o.o. Sarajevo i „StrEng“ d.o.o. Sarajevo neprihvatljiva u smislu člana 2. stav (1) tačka I) al. 2) Zakona o javnim nabavkama („Službeni glasnik BiH“, broj 29/14 i 59/22).

Naime, nakon detaljnog pregleda dostavljene ponude Komisija I je ustanovila da je grupa ponuđača „EL-TE 3“ d.o.o. Sarajevo i „StrEng“ d.o.o. Sarajevo, na stranici 60 i 61, dostavila dvije potvrde o uredno izvršenim ugovorima. Iz sadržaja dostavljenih potvrda Komisija I je konstatovala da članovi grupe ne ispunjavaju pojedinačno niti kumulativno uslov iz tenderske dokumentacije o uspješnom iskustvu u realizaciji ugovora čiji su predmet građevinsko-zanatski radovi. Podaci iz dostavljene potvrde o uspješnoj realizaciji ugovora broj: 662/23 od 4.7.2023. godine, izdatom od privrednog društva „Džekos“ d.o.o. Sarajevo i potvrde o uredno izvršenim ugovorima broj: 10/1-698/23 od 4.7.2023. godine, izdatom od privrednog društva „UNIONINVEST“ d.d. Sarajevo, potvrđuju da ponuđač i član grupe „EL-TE 3“ d.o.o. Sarajevo ima uspješno realizovane ugovore samo iz oblasti instalaterskih radova (elektroinstalaterski radovi, radovi na hidro instalacijama i radovi na mašinskim instalacijama), ali ne i iskustvo iz oblasti građevinsko-zanatskih radova, kako je zahtijevano tenderskom dokumentacijom. Za drugog člana grupe ponuđača nisu dostavljene potvrde o uspješnoj realizaciji ugovora, u smislu tačke 7.4.1. alineja 1. tenderske dokumentacije.

Tačkom 7.3. TEHNIČKA I PROFESIONALNA SPOSOBNOST, tenderske dokumentacije, podtačka 7.3.1. pod a) precizno je postavljen zahtjev da svaki ponuđač, koji učestvuje u postupku, mora zadovoljavati uslov koji glasi: „Da je u posljednjoj godini od dana ponošenja ponude, realizovao ugovore iz oblasti građevinsko-zanatskih i instalaterskih usluga na objektima visokogradnje, u ukupnoj vrijednosti najmanje 300.000,00 KM sa PDV-om.“

Podtačkom 7.3.2. pod a) tenderske dokumentacije je jasno određeno da ponuđači, u svrhu dokazivanja ispunjenosti zahtjeva iz tačke 7.3.1. pod a), u ponudi dostavljaju spisak izvršenih ugovora iz oblasti građevinsko-zanatskih i instalaterskih radova na objektima visokogradnje, u posljednjoj godini od dana podnošenja ponude, u ukupnoj vrijednosti najmanje 300.000,00 KM sa PDV-om (referenc lista).

Referenc listu sačinjava ponuđač na svom memorandumu uz potvrde o uredno izvršenim ugovorima (čiji su predmet navedene usluge) koju daje druga ugovorna strana o njihovoj realizaciji, u skladu sa članom 50. stav (1) tačka a) Zakona o javnim nabavkama i tačkom 7.3.1. pod a) tenderske dokumentacije (obične kopije dokaza).

Podtačkom 7.4.1. alineja 1. tenderske dokumentacije određeno je da u slučaju da ponudu dostavlja grupa ponuđača, ugovorni organ će ocjenu ispunjenosti kvalifikacionih uslova od strane grupe ponuđača izvršiti na sljedeći način:

„ - grupa ponuđača kao cjelina mora ispuniti uslove koji su navedeni u tački 7.3.1. tenderske dokumentacije, što znači da grupa ponuđača može kumulativno ispunjavati postavljene uslove i dostaviti dokumentaciju kojom dokazuje ispunjavanje postavljenih uslova;“

Na temelju prednje navedenog Komisija I je zaključila da u ponudi nije dostavljen dokaz o uspješnom iskustvu u realizaciji ugovora koji je u skladu sa zahtijevanim tenderskom dokumentacijom, bliže određenim tačkom 7.3.1 pod a) i tačkom 7.3.2. pod a), a koji treba da potvrdi kako ponuđač ima uspješno iskustvo u realizaciji ne samo instalaterskih radova nego kumulativno i građevinsko-zanatskih radova na objektima visokogradnje. Štoviše, u specifikaciji usluga iz Obrasca za cijenu ponude – USLUGE (Aneks 2.) tenderske dokumentacije, precizno i detaljno su opisane usluge koje se odnose na građevinsko-zanatske usluge, za čije izvršenje je ugovorni organ iskazao potrebu.

Članom 44. Zakona o javnim nabavkama propisani su način provjere kvalifikacije ponuđača, minimum kvalifikacionih uslova koje ugovorni organ odredi za ponuđače, kao i dokumenti koji su potrebni za dokazivanje, sve u skladu i u razmjeri predmetu javne nabavke.

Članom 48. Zakona o javnim nabavkama propisani su opšti uslovi za tehničku i profesionalnu sposobnost ponuđača, u smislu ovlasti ugovornom organu da, zavisno od vrste, količine ili obima, ili namjene predmeta nabavke, može zahtijevati dokaze koji se odnose na tehničku i profesionalnu sposobnost, pri čemu je ugovorni organ dužan u tenderskoj dokumentaciji jasno i precizno definisati te zahtjeve.

Članom 50. Zakona o javnim nabavkama bliže je propisano da u smislu tehničko-profesionalne sposobnosti u postupku nabavke usluga, ugovorni organ može zahtijevati jedan ili više dokaza o tehničkoj i profesionalnoj sposobnosti kandidata/ponuđača, a između ostalih i spisak izvršenih ugovora koji su u vezi sa predmetnom nabavkom.

Najzad, članom 7. stav (1) Upustva za pripremu modela tenderske dokumentacije i ponuda, propisano je da ugovorni organ određuje uslove finansijske i/ili tehničke i profesionalne sposobnosti kandidata/ponuđača u slučaju kada je zadovoljenje tih uslova nužna osnova za ocjenu sposobnosti kandidata/ponuđača za izvršenje određenog ugovora.

Na osnovu činjenica i podataka iz dostavljenih potvrda o uspješno realizovanim ugovorima postoji opravdana sumnja da je ponuđač, odnosno grupa ponuđača, sposobna i pouzdana da izvrši usluge odnosno ugovore koje/koji su u vezi sa predmetom konkretne nabavke.

Izmijenjenom tačkom I) al. 2), u članu 2. Zakona o javnim nabavkama („Službeni glasnik BiH“, broj 39/14 i 59/22), propisano je da je neprihvatljiva ponuda čija cijena prelazi planirana, odnosno

obezbijeđena novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta.

Naime, u skladu sa članom 2. stav (1) tačka I) Zakona o javnim nabavkama („Službeni glasnik BiH“, broj 39/14 i 59/22), prihvatljivom ponudom se smatra ponuda koja u potpunosti ispunjava uslove koje je u tenderskoj dokumentaciji postavio ugovorni organ, kako u pogledu kvalificiranosti, tako i u pogledu ispunjavanja zahtjeva iz tehničke specifikacije, kao sastavnog dijela tenderske dokumentacije. Shodno naprijed navedenom zakonskom odredbom, a na osnovu ocjene Komisije I, ponuda grupe ponuđača „EL-TE 3“ d.o.o. Sarajevo i „StrEng“ d.o.o. Sarajevo je kao neprihvatljiva isključena iz daljeg postupka.

Odredbom člana 69. stav (2) tačka d) Zakona o javnim nabavkama propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

U skladu sa navedenim, Komisija I je na sjednici od 19.9.2023. godine jednoglasno donijela odluku da Općinskom načelniku predloži da na osnovu člana 69. stav (2) tačka d) Zakona o javnim nabavkama („Službeni glasnik BiH“, broj 39/14 i 59/22) donese odluku o poništenju postupka javne nabavke: Građevinsko-zanatske i instalaterske usluge za investiciono održavanje poslovnih prostora Općine Centar Sarajevo, o čemu je sačinila Zapisnik o pregledu i ocjeni ponuda broj: 10/E-11-4885/23 od 19.9.2023. godine.

Općinski načelnik u postupku predmetne nabavke nije našao razloge niti nepravilnosti u radu Komisije I koji bi bili osnov za neprihvatanje prijedloga Komisije, te je u skladu sa članom 70. stav (1) Zakona o javnim nabavkama donio odluku kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH, Filijala/Podružnica Mostar, putem Ugovornog organa (Općina Centar Sarajevo), najkasnije u roku od 10 (deset) dana od dana prijema ove Odluke, a shodno članu 101. stav (1) tačka d) Zakona o javnim nabavkama.

Naknada za pokretanje žalbenog postupka iznosi 5.000,00 KM, u skladu sa članom 108. stav (1) tačka e) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.



Prilog: Zapisnik o pregledu i ocjeni ponuda broj: 10/E-11-4885/23 od 19.9.2023. godine

DOSTAVITI:

1. Grupa ponuđača:
„EL-TE 3“ d.o.o. Sarajevo, ul. Goraždanska broj 3, 71000 Sarajevo
„StrEng“ d.o.o. Sarajevo, ul. Džemala Bijedića broj 39, 71000 Sarajevo
2. Službi za privredu i poslovne prostore
3. Kabinetu općinskog načelnika - Odsjeku za javne nabavke
4. Evidenciji
5. U spis